

Preporuke
i operativni zaključci
prvog Pododbora za poljoprivredu i ribarstvo
u okviru SSP-a između EU i BiH
Brisel, 29. juni 2016.

Poljoprivreda i ruralni razvoj

- Vlasti u Bosni i Hercegovini trebaju hitno usvojiti cjelodržavnu strategiju sektora poljoprivrede i ruralnog razvoja. Od FBiH se očekuje da usvoji pripremljeni okvirni program ruralnog razvoja. Cjelodržavna strategija je preduslov za uključivanje sektora u IPA II programski okvir i koristi od IPA II sektorskih fondova. Također, BiH mora više koristiti dostupnu pomoć kao što je TAIEX.
- Vlasti u BiH hitno trebaju nastaviti sa aktivnostima na postizanju formalnog, političkog dogovora o IPARD strukturama i finalizirati, usvojiti i dostaviti EU tehnički dokument o uspostavljanju IPARD-a, kao i operativne smjernice koje je izradila Kancelarija za harmonizaciju i koordinaciju sistema plaćanja u poljoprivredi, prehrani i ruralnom razvoju pri MVTEO-u.
- Vlasti u BiH se hitno trebaju dogovoriti i izraditi državni pravni okvir za provođenje popisa poljoprivrede. Zbog njegovog nepostojanja usporava se razvoj sektora, a IPA sredstva se preusmjeravaju na druge mjere.
- BiH treba usvojiti zakon o vinu na nivou države usklađen sa *acquis-em* EU i uskladiti entitetsko zakonodavstvo sa ovim zakonom. Zaštita geografskih oznaka treba biti dio tog zakona.
- Institucije BiH (Agencija za sigurnost hrane BiH i Institut za intelektualno vlasništvo BiH) koje su nadležne za područje politike kvaliteta trebaju prilagoditi svoje pravilnike kako bi se uskladili sa Uredbom EU 1151/2012.
- Vlasti u BiH trebaju ubrzati napore na uvođenju zakonodavstva o organskoj proizvodnji na državnom nivou i uskladiti ga sa *acquisem*. FBiH treba usvojiti nacrt zakona o organskoj poljoprivredi. Zakonodavstvo RS-a i FBiH o organskoj poljoprivredi treba biti usklađeno i usaglašeno sa *acquis-em*.

- Vlasti u BiH trebaju uložiti dodatne napore na uspostavi poljoprivrednog informacionog sistema u zemlji.
- Potrebno je unaprijediti poljoprivredne savjetodavne i stručne službe širom zemlje. Entiteti trebaju dostaviti pisanu informaciju o raspodjeli savjetodavnih službi. RS treba završiti i usvojiti svoju strategiju za savjetodavne službe 2016-2020.
- *Vlasti u BiH trebaju dostaviti višegodišnje podatke o prosječnoj veličini poljoprivrednog gazdinstva i iscjepkanosti zemljišnih parcela kako bi EU mogla da procijeni kretanja i strategije koje treba poduzeti u svrhu poboljšanja konkurentnosti.*
- *Vlasti u BiH trebaju dostaviti EU ažurirane podatke o mjerama podrške poljoprivredi koje će obuhvatiti cijeli period izvještavanja.*
- *Vlasti u BiH trebaju dostaviti EU cjelodržavni okvirni dokument o usklađenosti mjera podrške poljoprivredi.*
- *Takođe, dokument za diskusiju za Pododbor koji će se održati naredne godine treba sadržavati detaljne informacije o podršci proizvodnji po kantonima pojedinačno.*
- *Vlasti u BiH su pozvane da dostave EU organigrame administrativnih struktura koje se bave poljoprivredom i ruralnim razvojem, kao i Pravilnik o reorganizaciji Ministarstva poljoprivrede FBiH.*
- *Vlasti u BiH trebaju Evropskoj uniji poslati završni nacrt Zakona o vinu BiH, kako bi se mogla potvrditi njegova usklađenost sa prethodnim preporukama o definicijama, zaštiti oznake o porijeklu, uklanjanju trgovinskih barijera, kao i vremenski raspored za usvajanje.*
- *Vlasti u BiH trebaju pojasniti i dostaviti informacije Evropskoj uniji o unutrašnjim nadležnostima kad je u pitanju politika kvaliteta.*
- *Vlasti u BiH trebaju poslati pisanu informaciju o stanju provedbe poljoprivrednog informacionog sistema i registrima gazdinstava i životinja.*

Provedba SSP-a

- Vlasti u BiH trebaju što prije inicirati postizanje dogovora na tehničkom nivou o adaptaciji SSP-a kako bi se uzelo u obzir pristupanje Hrvatske EU.

Ribarstvo

- BiH treba usvojiti strategiju za sektor ribarstva i uskladiti svoje zakonodavstvo sa *acquis-em* EU, uključujući propise o uvozu ribe i ribljih proizvoda i borbi protiv nezakonitog, neprijavljenog i neuređenog ribarstva.

- BiH treba početi izrađivati državni plan upravljanja za oporavak fonda evropske jegulje u skladu sa Uredbom EU 1100/2007.
- BiH se podstiče da učestvuje u i doprinosi radu Opće komisije za ribarstvo Sredozemlja (GFCM), čija je neugovorna članica koja saraduje.
- *BiH treba proslijediti Evropskoj uniji svoje planove, ako postoje, vezano za razvoj ribarske flote, proizvodnju ribe, uključujući akvakulturu, uzimajući u obzir novije mjere GFCM o maloj plavoj ribi u Jadranskom moru.*

Fitosanitarna oblast, veterinarstvo i sigurnost hrane

- BiH treba revidirati nove nacрте Zakona o veterinarstvu i Zakona o hrani na državnom nivou, kao i Zakon o poljoprivredi i ruralnom razvoju BiH, u onolikoj mjeri koliko je potrebno da oni budu u skladu sa *acquis-em* i sa Protokolom o mlijeku koji nikad nije proveden, posebno u vezi sa nadzorom na nivou države i komandnim lancem u sistemima službenih kontrola hrane i hrane za životinje u zemlji.
- Kapaciteti inspeksijskih službi u sektorima veterinarstva i zaštite zdravlja bilja trebaju se dodatno ojačati.
- Potrebno je poboljšati administrativne kapacitete Uprave za zaštitu zdravlja bilja BiH , uključujući i regionalne urede.
- BiH treba uložiti više napora da se upotpuni državni centralni sistem identifikacije, registracije, kontrole kretanja životinja u zemlji i baza podataka. Sa potpuno ustanovljenim i registrovanim kretanjem životinja, država će poboljšati i sistem spremnosti brzog odgovora u hitnim slučajevima i kod pojave bolesti.
- EU pozdravlja usklađivanje zakonodavstva BiH sa Konvencijom UPOV i podstiče BiH da nastavi sa njenom ratifikacijom.
- Kroz usvajanje potvrđenih praksi EU, BiH treba osigurati usklađenost mjera o registraciji pesticida u cijeloj državi, kao i njihovu usklađenost sa *acquis-em* da bi se osigurala adekvatna kontrola uvoza i upotrebe supstanci.
- BiH treba ažurirati svoju listu sorti. Ministarstvo poljoprivrede RS-a se treba ponovo uključiti u rad nadležne zajedničke komisije u skladu sa Zakonom o sjemenu i sadnom materijalu.
- Nakon što dobije nacrt izvještaja *follow up* revizorske misije Generalnog direktorata za zdravlje i sigurnost hrane, (DG SANTE), BiH treba izraditi akcioni plan kako bi odgovorila na očekivane preporuke i nalaze.

- BiH treba usvojiti državni program za kontrolu salmonele i raditi na tome da bude na listi trećih zemalja sa zadovoljavajućom zdravstvenom situacijom, kada su u pitanju uslovi zdravlja životinja za ptice. Ovi koraci će omogućiti BiH da zatraži *follow up* misiju u sektoru peradi i konzumnih jaja u svrhu ocjene sprovođenja Akcionog plana BiH za realizaciju preporuka revizora EK iz 2012. o mogućnosti izvoza ovih proizvoda životinjskog porijekla u EU.
- BiH treba nastaviti sa planom da ukine vakcinaciju svinja do kraja 2016. i planirati odgovarajuća ograničenja kretanja u slučaju pojave bolesti, da bi ispunila jedan od zahtjeva za uvoz svježe svinjetine i određenih proizvoda dobijenih od svinja.
- *Komisija će dostaviti detaljne komentare u pisanom obliku o novim nacrtima Zakona o veterinarstvu i Zakonu o hrani na državnom nivou.*